

## II. Wobsydstwa = Rittersitze: Rs.

- II = stare mjena serbskich wobsydstwow, II 1 po wosobinskih mjenach, II 2 po přimjenach;  
 IIa = wobsydstwa mjena po nowišich (křesćijanskich t. j. křćeńskich) mjenach wobsydstownikow;  
 IIb = wobsydstwa mjena po němskich wobsydstownikach (knježkach) abo založičerjach (locatores) za čas němskeje kolonisacije;  
 IIc = mjena wudworow po přikładze (analogiji) wobsydstwanych mjenow tworjene.

## III. Wudwory = Abbausiedlungen: As.

- III = prawe mjena wudworow;  
 IIIa = wudma a wusměšowanja (ně. Spitznamen) za wjesne mjena, na př. hs. Pakostnica, ds. Wóškalawa.

Přisp. Hdžež je staroserbska a nětčiša serbska twórba mjena jenajka, njejsym staroserbsku přistajil a tež tam nic, hdžež ma nowočasnny wudwor cyle lohko zrozumliwe mjeno.

## III. Narodopisne kharty serbskeje Łužicy.

Prěnju nadrobnu a wobšěrnú narodopisnu khartu našeje Hornjeje a Delnjeje Łužicy wudžěla naš slawny wótčina Jan Arnošt Smoler w l. 1843 a přida ju k swojej wubjerneje dwuzwjazkowskeje zběrcy „Pěsnički hornich a delnich lužiskich Serbow“ w lětomaj 1841 a 1843 w Křemjenju (Grimma) wudatej.

Mjeńšu narodopisnu khartu ze wšěmi serbskimi městnymi mjenami ja zhotowich a k 1. a 2. nakładej tutoho swojeho zemjepisneho słownička (1886 a 1895) a k swojej „Statisticcy lužiskich Serbow“ (1886) přidach. Rad bych ju tež k tutomu 3. nakładej přidružil, ale klišej su w Kamjeničanskem instituce zničili, a nowy zhotowić a po nim tu khartu čišćeć budže droha wěc. Njeby-li pak móžno było, nowu serbsku khartu wudać, potom móže a dyrbi nam tu wupomhać wulka němska narodopisna kharta Łužicy, kotraž ma město serbskich wšitke naše městne mjena w němskem kabaće, kaž so džensa wot našich wyšnosćow trjebaju. Čišćana bu tuta kharta w l. 1920 w Rakecach a je w dosahacej ličbe hišće na skladze w našej serbskej „Smolerjec kniharni“ w Serbskem Domje w Budyšinje. — Małej narodopisnej khartcy našeje domizny skónčnje podawatej českej knižcy kk. prof. Adolfa Černeho a dra. Jozefa Páty, wobě „Łužice“ pomjenowaneje a w Prahy wudatej.